



## CATEGORÍAS RELACIONADAS

### *A meiga espeluxada*

Conta unha lenda galega  
que alá na Toxiza víana pasar,  
unha meiga espeluxada  
sobor dunha xesta tentando voar.

Contaba Antón de Xóxaras,  
o Gaiteiro de Zoñán,  
que el sentíaa de noite  
cando de Estelo baixaba  
ao rematar de tocar.

Avelino de Porta de Cao,  
rapaz novo e axeitado,  
todos os días subía  
para o lindeiro co gando.

Unha noite non baixou  
porque a Marela inchaba

— Non vaia ser que me vaia

e revente a condenada!

dixo o bo do Avelino

sen ninguén preguntar nada.

Alí ficou toda noite,

esperando a madrugada,

a ver que tiña de certo

o da meiga espeluxada.

Aló o raiar do día

Avelino viu pasar

algo que non endelgaba

para poder afirmar,

se aquilo que el ollaba

podía ser unha meiga

ou unha moza sen fogar,

desas que gardan o gando

sen lavar e sen peitear.

Despertou o Avelino

ao sentir o can ladrar

e nunca chegou a saber

se aquilo fora certo

ou se durmindo no monte

tamén se pode soñar.

[Poema da autoría de **Suso Uz**. Decembro de 2019]